

十八家詩鈔

十八家詩鈔卷二十一目錄

蘇東坡七律上二百五十八首

和子由澠池懷齋

齋題延生觀後山上小堂

齋題仙遊潭中興寺東有玉女洞洞南有馬融讀書石室
過潭而南山石益奇潭上有橋畏其嶮不敢渡

石鼻城

樓觀

九月二十日微雪懷子由第二首

病中聞子由得告不赴商州三首

和子由寒食

七月二十四日以久不雨出禱礮溪是日宿號縣二十五
日晚自號縣渡酒宿於僧舍曾閣閣故曾氏所建也夜
久不寐見壁有前縣令趙薦畱名有懷其人

二十六日五更起行至礮溪未明

周公廟

樓觀

五郡

十二月十四日夜微雪明日早往南溪小酌至晚

和子由木山引水二首

寄題興州鼂太守新開古東池

華陰寄子由

和董傳留別

次韻柳子玉見寄

次韻王誨夜坐

傅堯俞濟源草堂

陸龍圖詵挽詩

胡完夫母周夫人挽詞

次韻柳子玉過陳絕糧二首

出潁口初見淮山是日至壽州

壽州李定少卿出餞城東龍潭上

龜山

地爐

紙帳

姚屯田挽詞

和劉道原見寄

和劉道原詠史

和子由柳湖久涸忽有水開元寺山茶舊無花今歲盛開

二首

是日宿水陸寺寄北山清順僧二首

送張軒民寺丞赴省試

和邵同年戲贈賈收秀才三首

萃老葺天慶觀小園有亭北向道士山宗說乞名與詩
秀州報本禪院鄉僧文長老方丈

宋叔達家聽琵琶

祥符寺九曲觀燈

正月二十一日病後述古邀往城外尋春

有以官法酒見餉者因用前韻求述古爲移廚飲湖上

新城道中二首

寒食未明至湖上太守未來兩縣令先在

次韻孫莘老見贈時莘老移廬州因以別之

李鈐轄坐上分題戴花

自昌化雙谿館下步尋谿源至治平寺二首

會客有美堂周邠長官與數僧同汎湖往北山湖中聞堂

上歌笑聲以詩見寄因和二首

立秋日禱雨宿靈隱寺同周徐二令

病中獨遊淨慈謁本長老周長官以詩見寄仍邀遊靈隱

因次韻答之

病中遊祖塔院

癸丑春分後雪

柏堂

竹閣

與述古自有美堂乘月夜歸

有美堂暴雨

登玲瓏山

宿九仙山

海會寺清心堂

汪覃秀才久留山中以詩見寄次其韻

洞霄宮

初自徑山歸述古召飲介亭以病不赴

十八家詩金 卷二十一
明日重九亦以病不赴述古會再用前韻

九日尋臻閣梨遂泛小舟至勤師院二首

次韻周長官壽星院同餞魯少卿

次韻述古過周長官夜飲

述古以詩見責屢不赴會復次前韻

賀陳述古弟章生子

贈治易僧智周

張子野年八十五尙聞買妾述古令作詩

寶山新開徑

李願秀才善畫山以兩軸見寄仍有詩次韻答之

夜至永樂文長老院文時臥病退院

錢安道席上令歌者道服

除夜野宿常州城外二首

元日過丹陽明日立春寄魯元翰

刁同年草堂

惠山謁錢道人烹小龍團登絕頂望太湖

和蘇州太守王規父侍太夫人觀燈之什余時以劉道原

見訪滯留京口不及赴此會二首

常潤道中有懷錢塘寄述古五首

刁景純賞瑞香花憶先朝侍宴次韻

同柳子玉遊鶴林招隱醉歸呈景純

景純見和復次韻贈之二首

柳子玉亦見和因以送之兼寄其兄子璋道人

子玉家宴用前韻見寄復答之

景純復以二篇一言其亡兄與伯父同年之契一言今者

唱酬之意仍次其韻

書普慈長老壁

刁景純席上和謝生二首

畱別金山寶覺圓通二長老

杭州牡丹開時僕猶在常潤周令作詩見寄次其韻復次

一首送赴闕

蘇州閻邱江君二家雨中飲酒二首

過永樂文長老已卒

贈張刁二老

八月十七日天竺山送桂花分贈元素

捕蝗至浮雲嶺山行疲苦有懷子由弟二首

與毛令方尉遊西菩提寺二首

平山堂次王居卿祠部韻

次韻陳海州書懷

次韻陳海州乘槎亭

次韻孫職方蒼梧山

雪後書北臺壁二首

謝人見和前篇二首

遊廬山次韻章傳道

和子由四首

孔長源挽詩二首

寄呂穆仲寺丞

余主簿母挽詩

張文裕挽詞

和梅戶曹會獵鐵溝

祭常山回小獵

和章七出守湖州二首

寄題刁景純藏春塢

玉盤盂二首

聞喬太博換左藏知欽州以詩招飲

喬將行烹鷺鹿出刀劒以飲客以詩戲之

次韻劉貢父李公擇見寄二首

寄黎眉州

同年王中甫挽詞

次韻周邠寄鴈蕩山圖二首

蘇潛聖挽詞

和鼂同年九日見寄

送喬施州

雪夜獨宿柏仙菴

董儲郎中嘗知眉州與先人遊過安邱訪其故居見其子

希甫留詩屋壁

劉貢父見余歌詞數首以詩見戲聊次其韻

至濟南李公擇以詩相迎次其韻二首

和孔君亮郎中見贈

次韻子由送蔣夔赴代州學官

宿州次韻劉涇

次韻李邦直感舊

次韻答邦直子由四首

次韻呂梁仲屯田

王鞏累約重九見訪既而不至以詩送將官梁交且見寄

次韻答之

臺頭寺雨中送李邦直赴史館分韻得憶字人字兼寄孫

巨源二首

九日邀仲屯田爲大水所隔以詩見寄次其韻

有言郡東北荆山下可以溝畎積水因與吳正字王戶曹

同往相視以地多亂石不果還遊聖女山二子有詩次其韻二首

送鄭戶曹

坐上賦戴花得天字

夜飲次韻畢推官

和孫莘老次韻

遊張山人園

杜介熙熙堂

答仲屯田次韻

次韻王定國馬上見寄

次韻答頓起二首

九日次韻王鞏

次韻王鞏顏復同泛舟

次韻張十七九日贈子由

與舒教授張山人參寥師同遊戲馬臺書西軒壁兼簡顏

長道二首

次韻王庭老和張十七九日見寄

與參寥師行園中得黃耳蕈

十月十五日觀月黃樓席上次韻

答王定民

次韻王庭老退居見寄二首

次韻顏長道送傅倅

臺頭寺步月得人字

臺頭寺送宋希元

次韻曹九章見贈

余去金山五年而復至次舊詩韻贈寶覺長老

贈惠山僧惠表

與秦太虛參寥會於松江而關彥長徐安中適至分韻得

風字二首

次韻孫祕丞見贈

僕去杭五年吳中仍歲大饑疫故人往往逝去聞湖上僧
舍不復往日繁麗獨淨慈本長老學者益盛作詩寄之
船趁風

丁公默送蝥蟬

泛舟城南會耆五人分韻賦詩得人皆苦炎字四首
送表忠觀錢道士歸杭

次韻答孫侔

重寄

陳州與文郎逸民飲別攜手河隄上作此詩

萬松亭

張先生

初到黃州

今年正月十四日與子由別於陳州五月子由復至齊安以詩迎之

次韻答子由

觀張師正所蓄辰砂

正月廿日往岐亭郡人潘古郭三人送余於女王城東禪莊院

與潘三失解後飲酒

姪安節遠來夜坐三首

樂全先生生日以鐵拄杖爲壽二首

送牛尾狸與徐使君

太守徐君猷通守孟亨之皆不飲酒以詩戲之

雪後到乾明寺遂宿

三朵花

正月二十日與潘郭二生出郊尋春忽記去年是日同至

女王城作詩乃和前韻

是日偶至野人汪氏之居有神降於其室自稱天人李全
字德通善篆字用筆奇妙而字不可識云天篆也與余
言有所會者復作一篇仍用前韻

紅梅三首

和子由寄題孔平仲草菴

次韻答元素

謝陳季常惠一掬巾

贈黃山人

六年正月二十日復出東門仍用前韻

食甘

二月三日點燈會客

次韻子由種杉竹

徐君猷挽詞

別黃州

四月二十日晚宿圓通禪院

次韻道潛留別

次韻樊致遠見贈

次韻杭人裴維甫

次韻段縫見贈

次韻滕元發許仲途秦少游

次韻蔣穎叔

王仲父哀辭

十八家詩鈔卷二十一目錄

善化黃維申襄校

十八家詩鈔卷二十一

湘鄉曾國藩纂

合肥李鴻章審訂

東湖王定安校

蘇東坡七律上二百五十八首

和子由澠池懷舊

人生到處知何似，應似飛鴻踏雪泥。
泥上偶然留指爪，鴻飛那復計東西。
老僧已死成新塔，壞壁無由見舊題。
往日崎嶇還記否，路長人困蹇驢嘶。

公自注：往歲馬死於岐驢至澠池。

留題延生觀後山上小堂

溪山愈好意無厭，上到巉巖第幾尖。
深谷野禽毛羽怪，上方仙子鬢眉纖。
不慙弄玉騎丹鳳，應逐嫦娥駕老蟾。
澗草巖花自無主，

主晚來胡蝶入疏簾

留題仙遊潭中興寺東有玉女洞洞南有馬融讀書石室
過潭而南山石益奇潭上有橋畏其嶮不敢渡

清潭百尺皎無泥山木陰陰谷鳥啼蜀客曾遊明月峽秦人今
在武陵溪獨攀書室窺巖竇還訪仙姝款石闥猶有愛山心未
至不將雙腳踏飛梯

石鼻城

平時戰國今何在陌上征夫自不聞北客初來試新險蜀人從
此送殘山獨穿暗月朦朧裏愁渡奔河蒼茫間漸入西南風景
變道邊修竹水潺潺

樓觀

公自注秦始皇立老子廟於觀南晉惠始修此觀

門前古碣臥斜陽
閨恨如流事可傷
長有幽人悲晉惠
強修遺廟學秦皇
丹砂久窖井水赤
白朮誰燒廚竈香
聞道神仙亦相過
只疑田叟是庚桑

九月二十日微雪懷子由第二首

岐陽九月天微雪
已作蕭條歲暮心
短日送寒砧杵急
冷官無事屋廬深
愁腸別後能消酒
白髮秋來已上簷
近買貂裘堪出塞
忽思乘傳問西琛

江上同舟詩滿篋
鄭西分馬涕垂膺
未成報國慙書劔
豈不懷歸畏友朋
官舍度秋驚歲晚
寺樓見雪與誰登
遙知讀易東窗

下車馬敲門定不膺

病中聞子由得告不赴商州三首

王注子由與先生同舉賢良科子由以軒直得

下第除商州推官而王介甫猶不肯撰離告未即下故先生自去年十二月先赴鳳翔至今年秋子由方告下以老泉傍無侍子奏乞養親三年此所以得告而不赴也

病中聞汝免來商旅鴈何時更著行遠別不知官爵好思歸苦覺歲年長著書多暇真良計從宦無功謾去鄉惟有王城最堪

隱萬人如海一身藏

近從章子聞渠說

公自注章子惇也

苦道商人望汝來說客有靈慚直

道道翁久沒厭凡才夷音僅可通名姓瘠俗無由辨願願答策不堪宜落此上書求免亦何哉

五
辭官不出意誰知敢向清時怨位卑萬事悠悠付杯酒流年年
冉入霜髭策曾忤世人嫌汝易可忘憂家有師此外知心更誰
是夢魂相覓苦參差

和子由寒食

寒食今年二月晦樹林深翠已生煙遠城駿馬誰能借到處名
園意盡便但挂酒壺那計盞偶題詩句不須編忽聞啼鴉驚羈
旅江上何人治廢田

七月二十四日久不雨出禱礮溪是日宿虢縣二十五
日晚自虢縣渡渭宿於僧舍曾閣閣故曾氏所建也夜
久不寐見壁有前縣令趙薦留名有懷其人

龕燈明滅欲三更。欹枕無人夢自驚。深谷留風終夜響。亂山銜
月半牀明。故人漸遠無消息。古寺空來看姓名。欲向磻溪問姜
叟。僕夫屢報斗杓傾。

二十六日五更起行至磻溪未明

夜入磻溪如入峽。照山炬火落驚猿。山頭孤月耿猶在。石上寒
波曉更喧。至人舊隱白雲台。神物已化遺蹤。蜿蜒安得夢隨霹靂
駕。馬上傾倒天瓢翻。

周公廟廟在岐山西北七八里廟後百許步有泉依山湧

冽異常國史所謂潤德泉世亂則竭者也

吾今那復夢周公。尙喜秋來過故宮。翠鳳舊依山磴兀。清泉長

與世窮通至今遊客傷離黍改國諸生詠雨濛牛酒不來烏鳥散白楊無數暮號風

樓觀

鳥噪猿呼晝閉門寂寥誰識古皇尊青牛久已辭轅轅白鶴時來訪子孫山近朔風吹積雪天寒落日淡孤村道人應怪遊人眾汲盡階前井水渾

五郡

古觀正依林麓斷居民來就

一作說

水泉甘亂溪赴渭爭趨北飛

鳥迎山不復南羽客衣冠朝上象野人香火祝春蠶汝師豈解

言符命山鬼何知託老朋

公自注觀有明皇碑言夢老子告以享國長久之意

十二月十四日夜微雪明日早往南溪小酌至晚
南溪得雪真無價走馬來看及未消獨自披榛尋履跡最先犯
曉過朱橋誰憐破屋眠無處坐覺村飢語不鬻惟有暮鴉知客
意驚飛千片落寒條

和子由木山引水二首

蜀江久不見滄浪江上枯槎遠可將去國尙能三犢載汲泉何
愛一夫忙崎嶇好事人應笑冷淡爲歡意自長遙想納涼清夜
永窗前微月照汪汪

千年古木臥無梢浪卷沙翻去似瓢幾度過秋生蘚暈至今流
潤應江湖泣然疑有蛟龍吐斷處人言霹靂焦材大古來無道

用不須鬱鬱慕山苗

寄題興州龍太守新開古東池

百畝新池傍郭斜居人行樂路人誇自言官長如靈運能使江山似永嘉縱飲座中遺白蛤幽尋盡處見桃花不堪山鳥號歸去長遣王孫苦憶家

華陰寄子由

三年無日不思歸夢裏還家旋覺非臘酒送寒催去國東風吹雪滿征衣三峯已過天浮翠四扇行看日照扉里堠消磨不禁盡速攜家餉勞驂駢

和董傳留別

十八家詩鈔 卷五
應繒大布裹生涯。腹有詩書氣自華。厭伴老儒烹瓠葉。強隨舉子踏槐花。囊空不辦尋春馬。眼亂行看擇婿車。得意猶堪誇世俗。詔黃新溼字如鴉。

次韻柳子玉見寄

薄雷輕雨曉晴初。陌上春泥未濺裾。行樂及時雖有酒。出門無侶謾看書。遙知寒食催歸騎。定把鷗夷載後車。他日見邀須強起。不應辭病似相如。

次韻王誨夜坐

愛君東閣能延客。顧我閑官不計員。策杖頻過知未厭。卜居相近豈辭遷。莫將詩句驚搖落。漸喜樽罍省僕緣。待約月明池上

宿夜深同看水中天

傳堯俞濟源草堂

微官共有田園興老罷方尋隱退廬栽種成陰十年事倉黃欲
買百金無先生卜築臨清濟喬木如今似畫圖鄰里亦知偏愛
竹春來相與護龍雛

陸龍圖說挽詩

施注陸說字介夫餘杭人以龍圖閣直學
士知成都青苗法出說言蜀峽刀耕火種
民食常不足至種芋充飢願罷四路提舉省其三使詩
利事皆不當改詔獨置成都府一路提舉省其三使詩
云挺然直節庇義岷蓋謂是也所歷桂延秦鳳晉真定
成都六州秦鳳未上而改命詩云六州巷哭蓋總言之
耳

挺然直節庇義岷謀道從來不計身屬續家無十金產過車巷

哭六州民塵埃輦寺三年別樽俎岐陽一夢新他日思賢見遺像不論宿草更沾巾

胡完夫母周夫人挽詞

柏舟高節冠鄉鄰絳帳清風聳搢紳豈似凡人但慈母能令孝子作忠臣當年織屨隨方進晚節稱觴見伯仁回首悲涼便陳迹凱風吹盡棘成薪

次韻柳子玉過陳絕糧二首

風雨蕭蕭夜晦迷不須鳴叫強知時多才人被天公怪闕食惟應爨婦知杜叟挽衣那及脛顏公食粥敢言炊詩人情味真嘗遍試問於今底處一作虧

如我自觀猶可厭。非君誰復肯相尋。圖書跌宕悲年老。燈火青
熒語夜深。早歲便懷齊物意。微官敢有濟時心。南行千里成何
事。一聽秋濤萬鼓音。

出潁口初見淮山是日至壽州

我行日夜向江海。楓葉蘆花秋興長。長淮忽迷天遠近。青山久
與船低昂。壽州已見白石塔。短棹未轉黃茆岡。波平風軟望不
到。故人久立煙蒼茫。

壽州李定少卿出餞城東龍潭上

山鴉噪處古靈湫。亂沫浮涎繞客舟。未暇然犀照奇鬼。欲將燒
燕出潛虬。使君惜別催歌管。村巷驚呼聚獍猴。此地他年頌遺

愛觀魚竝記老莊周

龜山

自此以上皆三十六歲未判杭州以前之詩

我生飄蕩去何求再過龜山歲五周
身行萬里半天下僧臥一
菴初白頭地隔中原勞北望
潮連滄海欲東遊元嘉舊事
無人記故壘摧頽今在不

次韻柳子玉二首

自此以下杭州密州徐州湖州之詩

地爐

細聲蚯蚓發銀瓶擁褐橫
眠天未明寒鬢鐸殘欹雪
領壯心降盡倒風旌自稱
丹竈銷銖火倦聽山城長
短更聞道牀頭惟竹
几夫人應不解卿卿

公自注俗謂竹几爲竹夫人

紙帳

亂文龜殼細相連
慣臥青綾恐未便
潔似僧巾白疊布
暖於蠶帳紫茸氈
錦衾速卷持遺客
破屋那愁仰見天
但恐嬌兒還惡睡
夜深踏裂不成眠

姚屯田挽詞

京口年來耆舊衰
高人淪喪路人悲
空聞韋叟一經在
不見恬侯萬石時
貧病祇知爲善樂
逍遙卻恨棄官遲
七年一別眞如夢
猶記蕭然瘦鶴姿

和劉道原見寄

敢向清時怨不容
直嗟吾道與君東
坐談足使淮南懼
歸去方

知冀北空獨鶴不須驚夜旦羣鳥未可辨雌雄廬山自古不到處得與幽人仔細窮

和劉道原詠史

仲尼憂世接輿狂臧穀雖殊竟兩亡吳客漫陳豪士賦桓侯初笑越人方名高不朽終安用日飲無何計亦良獨掩陳編弔興廢窗前山雨夜浪浪

和子由柳湖久涸忽有水開元寺山茶舊無花今歲盛開
二首

太昊祠東鐵墓西一樽曾與子同攜回瞻郡閣遙飛檻北望檣竿半隱隄飯豆羹藜思兩鵠飲河噉水賴長蜺如今勝事無人

共花下壺盧鳥勸提

長明燈下石欄干長共松杉鬪歲寒葉厚有稜犀甲健花深少
態鶴頭丹久陪方丈曼陀雨羞對先生苜蓿盤雪裏盛開知有
意明年開後更誰看

是日宿水陸寺寄北山清順僧一首

上一首五古題云湯村開運盛河雨中督

後此題是日
字承上言之

草沒河隄雨暗村寺藏修竹不知門拾薪煮藥憐僧病掃地焚
香淨客魂農事未休侵小雪佛燈初上報黃昏年來漸識幽居
味思與高人對榻論

長嫌鐘鼓聒湖山此境蕭條卻自然乞食遶村真爲飽無言對

客本非禪披榛覓路衝泥入洗足關門聽雨眠遙想後身窮賈
島夜寒應聳作詩肩

送張軒民寺丞赴省試

龍飛甲子盡豪英
嚮喜吾猶及老成人
競春蘭笑秋菊
天教明月伴長庚
傳家各自聞詩禮
與子相逢亦弟兄
洗眼上林看躍馬
賀詩先到古宣城

公自注伯父與太平州張侍讀同年此其子

和邵同年戲贈賈收秀才三首

傾蓋相歡一笑中
從來未省馬牛風
卜鄰尚可容三徑
投社終當作雨翁
古意已將蘭緝佩
招詞閑詠桂生叢
此身自斷天休問
白髮年來漸不公

朝見新黃出舊枝
騷人孤憤苦思家
五噫處士大窮約
三賦先生多誕誇
帳外鶴鳴奩有鏡
筒中錢盡案無雉
玉川何日朝金

闕白晝關門守夜叉

公自注時賈欲再娶

生涯到處似檣烏
科第無心摘領鬚
黃帽刺船忘歲月
白衣擔酒慰鰥孤
狙公欺病來分栗
水伯知饒爲出鱸
莫向洞庭歌楚曲
煙波渺渺正愁予

羣老聳天慶觀小園有亭北向道士山宗說乞名與詩

春風欲動北風微
歸鴈亭邊送鴈歸
蜀客南遊家最遠
吳山寒盡雪先晞
扁舟去後花絮亂
五馬來時賓從非
惟有道人應不忘
抱琴無語立斜暉

秀州報本禪院鄉僧文長老方丈

萬里家山一夢中
吳音漸已變兒童
每逢蜀叟談終日
便覺峨眉翠埽空
師已忘言真有道
我除搜句百無功
明年採藥天台去
更欲題詩滿浙東

宋叔達家聽琵琶

數絃已品龍香撥
半面猶遮鳳尾槽
新曲翻從玉連鎖
舊聲終愛鬱輪袍
夢回祇記歸舟字
賦罷雙垂紫錦條
何異烏孫送公主
碧天無際鴈行高

祥符寺九曲觀燈

紗籠擎燭迎門入
銀葉燒香見客邀
金鼎轉丹光吐夜
寶珠穿

蟻鬧連宵波翻焰裏元相激魚舞湯中不畏焦明日酒醒空想
像清吟半逐夢魂銷

正月二十一日病後述古邀往城外尋春

屋上山禽苦喚人檻前冰沼忽生鱗老來厭伴一作逐紅裙醉病
起空驚白髮新臥聽使君鳴鼓角試呼稚子整冠巾曲欄幽榭
終寒窘一看郊原浩蕩春

有以官法酒見餉者因用前韻求述古爲移廚飲湖上
喜逢門外白衣人欲膾湖中赤玉鱗遊舫已收吳榜穩舞衫初
試越羅新欲將漁釣追黃帽未要靴刀抹絳巾芳意十分強半
在爲君先踏水邊春

新城道中二首

東風知我欲山行，吹斷檐間積雨聲。
嶺上晴雲披絮帽，樹頭初日挂銅鉦。
野桃含笑竹籬短，溪柳自搖沙水清。
西崦人家應最樂，煮葵燒笋餉春耕。
身世悠悠我此行，溪邊委轡聽溪聲。
散材畏見搜林斧，疲馬思聞卷旆鉦。
細雨足時茶戶喜，亂山深處吏人閒。
歧路知多少，試向桑田問耦耕。

寒食未明至湖上太守未來兩縣令先在

城頭月落尚啼烏，榜紅舷早滿湖。
鼓吹未容迎五馬，水雲先已颺雙鳧。
映山黃帽螭頭舫，夾道青煙鵲尾爐。
老病逢春祇思睡，無人解惜任慵疏。

睡獨求僧榻寄須臾

次韻孫莘老見贈時莘老移廬州因以別之

鑪錘一手賦形殊造物無心敢望渠我本疏頑固當爾子猶淪

落況其餘龔黃側畔難言政羅趙前頭且炫書公自注莘老見

莘老書惟至不工有陽關一杯酒慙慙重唱贈離居

李鈐轄坐上分題戴花

二八佳人細馬馱十千美酒潯城歌簾前柳絮驚春晚頭上花

枝奈老何露溼醉巾香掩冉月明歸路影婆娑綠珠吹笛何時

見欲把斜紅插

自昌化雙谿館下步尋谿源至治平寺二首

亂山滴翠衣裘重雙湖響空窗戶搖飽食不嫌谿筍瘦穿林閒
覓野芎苗卻愁縣令知遊寺尙喜漁人爭渡橋正似醴泉山下
路桑枝刺眼麥齊腰
每見田園輒自招倦飛不擬控扶搖共疑楊惲非鋤豆誰信劉
章解立苗老去尙饒彭澤米夢歸時到錦江橋宦遊莫作無家
客舉族長懸似細腰

會客有美堂周邠長官與數僧同汎湖往北山湖中聞堂
上歌笑聲以詩見寄因和二首時周有服

藹藹君詩似嶺雲從來不許醉紅裙不知野屐穿山翠惟見輕
橈破浪紋頗憶呼盧袁彥道難邀罵坐灌將軍晚風落日元無

主不惜清涼與子分

載酒無人過子雲掩關晝臥客書帛歌喉不共聽珠貫醉而何
因作纈紋僧侶且陪香火社詩壇欲斂鵲鵝軍憑君遍繞湖邊
寺漲淥晴來已十分

立秋日禱雨宿靈隱寺同周徐二令

百重堆案掣身閑一葉秋聲對榻眠牀下雪霜侵戶月枕中琴
筑落階泉崎嶇世味嘗應徧寂寞山栖老漸便惟有問農心尙
在起占雲漢更茫然

病中獨遊淨慈謁本長老周長官以詩見寄仍邀遊靈隱
因次韻答之

臥聞禪老入南山。淨掃清風五百間。我與世疏宜獨往。君緣詩
好不容攀。自知樂事年年減。難得高人日日閑。欲問雲公覓心
地。要知何處是無還。公自注。楞嚴經云。我今示汝無所還地。

病中遊祖塔院

紫李黃瓜村路香。烏紗白葛道衣涼。閉門野寺松陰轉。欹枕風
軒客夢長。因病得閑殊不惡。安心是藥更無方。道人不惜階前
水。借與匏樽自在嘗。

癸丑春分後雪

雪入春分省見稀。半開桃李不勝威。應慚落地梅花識。卻作漫
天柳絮飛。不分東君專節物。故將新巧發陰機。從今造物尤難

料更暖須留御臘衣

孤山二詠

並序

孤山有陳時柏二株其一爲人所薪山下老人自爲兒
已見其枯矣然堅悍如金石愈於未枯者僧志詮作堂
於其側名之曰柏堂堂與白公居易竹閣相近屬余作
二詩以記之

柏堂

道人手種幾生前鶴骨龍姿尙宛然雙幹一先神物化九朝三
見太平年忽驚華構依巖出乞與佳名到處傳此柏未枯君記
取灰心聊伴小乘禪

竹閣

海山兜率雨茫然。古寺無人竹滿軒。白鶴不留歸後語。蒼龍猶是種時孫。兩叢恰似蕭郎筆。千畝空懷渭上村。欲把新詩問遺像。病維摩詰更無言。

與述古自有美堂乘月夜歸

娟娟雲月稍侵軒。潋潋星河半隱山。魚鑰未收清夜永。鳳簫猶在翠微閒。淒風瑟縮經絃柱。香霧淒迷著鬢鬟。共喜使君能鼓樂。萬人爭看火城還。

有美堂暴雨

遊人腳底一聲雷。滿坐頑雲撥不開。天外黑風吹海立。浙東飛

雨過江來十分潋灩金樽凸千丈敲鐙羯鼓催喚起謫仙泉灑
面倒傾鮫室瀉瓊瑰

登玲瓏山

施注臨安圖經玲瓏山在縣西十二里兩山屹
起盤屈九折上通絕頂名曰九折巖行百許步

有亭下瞰百
里名三休亭

何年僵立兩蒼龍瘦脊盤盤倚倚空翠浪舞翻紅罷亞白雲穿
破碧玲瓏三休亭上工延月九折巖前巧貯風腳力盡時山更
好莫將有限趁無窮

宿九仙山

公自注九仙謂左元
放許邁王謝之流

風流王謝古仙真一去空山五百春玉室金堂餘漢士桃花流
水失秦人困眠一榻香凝帳夢遶千巖冷逼身夜半老僧呼客

起雲峯缺處湧冰輪

海會寺清心堂

南郭子綦初喪我西來達磨尙求心此堂不說有清濁遊客自
觀隨淺深兩歲頻爲山水役一溪長照雪霜侵紛紛無補竟何
事慚愧高人閉戶吟

汪覃秀才久留山中以詩見寄次其韻

季子應瞋不下機棄家來伴碧雲師中秋冷坐無因醉半月長
齋未肯辭擲簡搖毫無忤色公自注汪善書託寫諸人詩投名入社有新詩

洞霄宮

飛騰桂籍他年事莫忘山中採藥時

上帝高居愍世頑故留瓊館在凡閒青山九鎖不易到作者七

人相對閑

公自注論語云作者七人矣今監宮凡七人

庭下流泉翠蛟舞洞中飛鼠

白鴉翻長松怪石宜霜鬢不用金丹苦駐顏

初自徑山歸述古召飲介亭以病不赴

西風初作十分涼喜見新橙透甲香遲暮賞心驚節物登臨病
眼怯秋光慣眠處士雲菴裏倦醉佳人錦瑟旁猶有夢回清興
在臥聞歸路樂聲長

明日重九亦以病不赴述古會再用前韻

月入秋帷病枕涼霜飛夜簾故衾香可憐吹帽狂司馬空對親
春老孟光不作雍容傾坐上翻成骯髒倚門旁人聞此會論今

古細看茱萸感歎長

九日尋臻閣黎遂泛小舟至勤師院二首

白髮長嫌歲月侵病眸兼怕酒杯深南屏老宿閑相過東閣郎
君嬾重尋試碾露芽烹白雪休拈霜蕊嚼黃金扁舟又截平湖
去欲訪孤山支道林

湖上青山翠作堆蔥蔥鬱鬱氣佳哉笙歌叢裏抽身出雲水光
中洗眼來白足赤髭迎我笑拒霜黃菊爲誰開明年桑苧煎茶
處憶著衰翁首重迴

公自注皎然有九日與陸羽煎茶詩羽自號桑苧翁余來年九日去此久矣

次韻周長官霽星院同餞魯少卿

瑠璃百頃水仙家風靜湖平響釣車寂歷疏松欹晚照伶俜寒

蝶抱秋花困眠不覺依蒲褐歸路相將踏桂華更著綸巾披鶴
氅他年應作畫圖誇

次韻述古過周長官夜飲

二更鐃鼓動諸鄰百首新詩閒八珍已遣亂蛙成兩部更邀明
月作三人雲煙湖寺家家境燈火沙河夜夜春曷不勸公勤秉
燭老來光景似奔輪

述古以詩見責屢不赴會復次前韻

我生孤僻本無鄰老病年來益自珍肯對紅裊辭白酒但愁新
進笑陳人北山怨鶴休驚夜南畝巾車欲及春多謝清詩屢推
轂猗膏那解轉方輪

公自注來詩有
雲霄蒲輪之句

賀陳述古弟章生子

鬱蔥佳氣夜充闔始見徐卿第二雛甚欲去爲湯餅客惟愁錯
寫弄壺書參軍新婦賢相敵阿大中郎喜有餘我亦從來識英
物試教啼看定何如

贈治易僧智周

寒窗孤坐凍生飢尙把遺編照露螢閣東九師新得妙夢吞三
畫舊通靈斷絃挂壁知音喪公自注師與契嵩相知時已逝矣揮塵空山亂石
聽齋罷何須更臨水胸中自有洗心經

張子野年八十五尙聞買妾述古令作詩

錦里先生自笑狂莫欺九尺鬚眉蒼詩人老去鶯鶯在公子歸

來燕燕忙柱下相君猶有齒江南刺史已無腸平生謬作安昌客略遣彭宣到後堂

寶山新開徑

藤梢橘刺元無路竹杖屨鞋不用扶風自遠來聞笑語水分流處見江湖回觀佛骨青螺髻踏遍仙人碧玉壺野客歸時山月上棠梨葉戰暝禽呼

李頎秀才善畫山以兩軸見寄仍有詩次韻答之

平生自是箇中人欲向漁舟便寫真詩句對君難出手雲泉勸我早抽身年來白髮驚秋速長恐青山與世新從此北歸休悵望囊中收得武陵春

夜至永樂文長老院文時臥病退院

夜聞巴叟臥荒村來打三更月下門往事過年如昨日此身未
死得重論老非懷土情相得病不開堂道益尊惟有孤栖舊時
鶴舉頭見客似長言

錢安道席上令歌者道服

烏府先生鐵作肝霜風卷地不知寒猶嫌白髮年前少故點紅
燈雪裏看他日卜鄰先有約待君投紱我休官如今且作華陽
服醉唱儂家七返丹

除夜野宿常州城外二首

行歌野哭兩堪悲遠火低星漸向微病眼不眠非守歲鄉音無

伴苦思歸重衾腳冷知霜重新沐頭輕感髮稀多謝殘燈不嫌
客孤舟一夜許相依

南來三見歲云徂直恐終身走道塗老去怕看新歷日退歸擬
學舊桃符煙花已作青春意霜雪偏尋病客鬢但把窮愁博長
健不辭最後飲屠酥

元日過丹陽明日立春寄魯元翰

堆盤紅縷細茵陳巧與椒花兩鬪新竹馬異時甯信老土牛明
日莫辭春西湖弄水猶應早北寺觀燈欲及辰白髮蒼顏誰肯
記曉來頻嚏爲何人

刁同年草堂

不用長竿矯繡衣。南園北第兩參差。青山有約長當戶。流水無情自入池。歲久醱醑渾欲合。春來楊柳不勝垂。主人不用慙慙去。正是紅梅著子時。

惠山謁錢道人烹小龍團登絕頂望太湖

踏遍江南南岸山。逢山未免更留連。獨攜天上小團月。來試人間第二泉。石路縈回九龍脊。水光翻動五湖天。孫登無語空歸去。半嶺松聲萬壑傳。

和蘇州太守王規父待太夫人觀燈之什余時以劉道原見訪滯留京口不及赴此會二首

不覺朱幡輾後塵。爭看繡幟錦纏輪。洛濱侍從三人貴。京兆平

反一笑春但逐東山攜妓女那知後閣走窮賓滯留不見榮華
事空作賡詩第七人

翻翻緹騎走香塵激激飛濤射火輪美酒留連三夜月豐年傾

倒五州春

公自注時浙西皆不
熟罷燈惟蘇獨盛

安排詩律追疆對踰蹬歸期爲

惡賓墮珥遺簪想無限華胥猶見夢回人

常潤道中有懷錢塘寄述古五首

從來直道不辜身得向西湖雨過春沂上已成曾點服泮宮初
采魯侯芹休驚歲歲年年貌且對朝朝暮暮人細雨晴時一百
六畫船鼙鼓莫違民

草長江南鶯亂飛年來事事與心違花開後院還空落燕入華

堂怪未歸世上功名何日是樽前點檢幾人非去年柳絮飛時

節記得金籠放雪衣

公自注杭人以放鵲爲太守壽國藩按快雪堂刻東坡帖有開籠若放雪衣女長念

金剛般若經一事

亦與此詩相合

浮玉山頭日日風湧金門外已春融二年魚鳥渾相識三月鶯

花付與公剩看新翻眉倒暈未應泣別臉消紅何人織得相思

字寄與江邊北向鴻

國豔天燒酒半酣去年同賞寄僧檐但知撲撲晴香軟誰見森

森曉態嚴穀雨其驚無幾日蜜蜂未許輒先甜應須火急回征

棹一片辭枝可得黏

惠泉山下土如濡陽羨溪頭米勝珠賣劍買牛吾欲老殺雞爲

黍子來無地偏不信容高蓋俗儉真堪著腐儒莫怪江南苦
滯經營身計一生迂

刁景純賞瑞香花憶先朝侍宴次韻

上苑天桃自作行劉郎去後幾回芳厭從年少追新賞閒對宮
花識舊香欲贈佳人非泛有
好紉幽佩弔沈湘鶴林神女無消息爲問何年返帝鄉

同柳子玉遊鶴林招隱醉歸呈景純

花時臘酒照人光歸路春風灑面涼劉氏宅邊霜竹老戴公山
下野桃香巖頭正練兼天淨一作靜泉底眞珠濺客忙安得道人

攜笛去一聲吹裂翠崖岡

景純見和復次韻贈之二首

解組歸來道益光
坐看百物自炎涼
捲簾堂上檀槽鬧
送客林間樺燭香
淺量已愁當酒怯
非才尤覺和詩忙
何人貪佩黃金印
千柱耽耽瑣北岡

人間膏火正爭光
每到藏春得暫涼
多事始知田舍好
凶年偏覺野蔬香
谿山勝畫徒能說
來往如梭爲底忙
老去此身無處著
爲翁栽插萬松岡

柳子玉亦見和因以送之兼寄其兄子璋道人

不羨腰金照地光
暫時假面弄西涼
晴窗曬日肝腸暖
古殿朝眞履袖香
說靜故知猶有動
無閒底處更求忙
先生官罷乘風

去何用區區賦陟岡

子玉家宴用前韻見寄復答之

自酌金尊勸孟光更教長笛奏伊涼

公自注子玉家有笛妓

牽衣男女遶

太白扇枕郎君煩阿香詩病逢春轉深錮愁應得酒暫奔忙醒時情味吾能說日在西南白草岡

景純復以二篇一言其亡兄與伯父同年之契一言今者

唱酬之意仍次其韻

靈壽扶來似孔光感時懷舊一悲涼蟾枝不獨同攀桂雞舌還

應共賜香

公自注亦同爲郎

等是浮休無得喪麤分憂樂有閑忙年來

世事如波浪鬱鬱誰知柏在岡

屢把鉛刀齒步光更遭華袞照厖涼蘇門山上莫長嘯薺蒿林
中無別香燭燼已殘終夜刻槐花還似昔年忙背城借一吾何
敢慎莫樽前替戾岡

書普慈長老壁

公自注
志誠

普慈寺後干竿竹醉裏曾看碧玉椽倦客再遊行老矣高僧一
笑故依然久參白足知禪味苦厭黃公聒晝眠惟有兩株紅百
葉晚來猶得向人妍

王注江浙間有
花謂之百葉紅

刁景純席上和謝生二首

誤入仙人碧玉壺一歡那復閒親疏杯盤狼藉吾何敢車騎雍
容子甚都此夜新聲聞北里他年故事紀南徐欲窮風月三千

界願化天人百億軀

縱飲誰能問擊壺不知門外曉星疏綺羅勝事齊三閣賓主談
鋒敵兩都桐畔煙花嘗歎杜海中童卯尙追徐無多酌我公須
聽醉後癡狂膽滿軀

畱別金山寶覺圓通二長老

沐罷巾冠快晚涼睡餘齒頰帶茶香艤舟北岸何時渡啼髮東
軒未肯忙康濟此身殊有道醫治外物本無方風流二老長還
往願我歸期尙渺茫

杭州牡丹開時僕猶在常潤周令作詩見寄次其韻復次

一首送赴闕

羞歸應爲負花期已見成陰結子時與物寡情憐我老遣春無
恨賴君詩玉臺不見朝酣酒金縷猶歌空折枝從此年年定相
見欲師老圃問樊遲
莫負黃花九日期人生窮達可無時十年且就三都賦萬戶終
輕千首詩天靜傷鴻猶戢翼月明驚鵲未安枝君看六月河無
水萬斛龍驤到自遲

蘇州閭邱江君二家雨中飲酒二首

小圃陰陰徧灑塵方塘潏潏欲生紋已煩仙袂來行雨莫遣歌
聲便駐雲肯對綺羅辭白酒試將文字惱紅裳今宵記取醒時
銷點滴空階獨自聞

五紀歸來鬢未霜。十眉環列坐生光。喚船渡口迎秋女。駐馬橋邊問泰娘。曾把四絃娛白傅。敢將百草鬪吳王。從今卻笑風流守畫戟。空凝宴寢香。

過永樂文長老已卒

初驚鶴瘦不可識。旋覺雲歸無處尋。三過門間老病死。一彈指頃去來今。存亡慣見渾無淚。鄉井難忘尙有心。欲向錢塘訪圓澤。葛洪川畔待秋深。

贈張刁二老

兩邦山水未淒涼。二老風流總健彊。共成一百七十歲。各飲三萬六千觴。藏春塢裏鶯花鬧。仁壽橋邊日月長。惟有詩人被磨

折金釵零落不成行

八月十七日天竺山送桂花分贈元素

月缺霜濃細藥乾
此花原屬桂堂仙
驚峯子落驚前夜
蟾窟枝空記昔年
破滅山一作高僧憐耿介
練裊溪女鬪清妍
願公採擷紉幽佩
莫遣孤芳老澗邊

捕蝗至浮雲嶺山行疲苦有懷子由第二首

西來煙陣塞空虛
灑遍秋田雨不如
新法清平那有此
老身窮苦自招渠
無人可訴烏銜肉
憶弟難憑犬寄書
自笑迂疏皆此類
區區猶欲理蝗餘

霜風漸欲作重陽
熠燿溪邊野菊黃
久廢山行疲犂确
尙能村

醉舞淋浪獨眠林下夢魂好回首人間憂患長殺馬毀車從此
逝子來何處問行藏

與毛令方尉遊西菩提寺二首

施注按於潛縣圖經毛君寶同尉方君武與東坡於

熙寧七年八月廿七日同遊西菩提寺去縣十五里

推擠不去已三年魚鳥依然笑我頑人未放歸江北路天教看
盡浙西山尚書清節衣冠後處士風流水石閒一笑相逢那易

得數詩狂語不須刪

路轉山腰足未移水清石瘦便能奇白雲自占東西嶺明月誰
分上下池黑黍黃粱初熟後朱柑綠橘半甜時人生此樂須天
賦莫遣兒郎取次知

平山堂次王居卿祠部韻

高會日陪山簡醉狂言屢發次公醒酒如人面天然白山向吾
曹分外青江上飛雲來北固檻前修竹憶南屏六朝興廢餘邱
隴空使奸雄笑甯馨

次韻陳海州書懷

鬱鬱蒼梧海上山

公自注東海鬱州山云自蒼梧浮來

蓬萊方丈有無閒舊聞草

木皆仙藥欲棄妻孥守市闔雅志未成空自歎故人相對若爲
顏酒醒卻憶兒童事長恨雙鳬去莫攀

公自注陳曾令鄉邑

次韻陳海州乘槎亭

人事無涯生有涯逝將歸釣漢江槎乘桴我欲從安石遁世誰

能識子嗟日上紅波浮翠巘潮來白浪卷青沙清談美景雙奇
絕不覺歸鞍帶月華

次韻孫職方蒼梧山

蒼梧奇事豈虛傳荒怪還須問子年遠託鰲頭轉滄海來依鵬
背負青天或云靈境歸賢者又恐神功亦偶然聞道新春恣遠
覽羨君平地作飛仙

雪後書北臺壁二首

黃昏猶作雨纖纖夜靜無風勢轉嚴但覺衾裯如潑水不知庭
院已堆鹽五更曉色來書幌半夜寒聲落畫檐試掃北臺看馬
耳未隨埋沒有雙尖

城頭初日始翻鴉
陌上晴泥已沒車
凍合玉樓寒起粟
光搖銀海眩生花
遺蝗入地應千尺
宿麥連雲有幾家
老病自嗟詩力退
空吟冰柱憶劉叉

謝人見和前篇二首

已分杯酒欺淺懦
敢將詩力鬪深嚴
漁蓑句好真堪畫
柳絮才高不道鹽
敗履尙存東郭足
飛花又舞謫仙檐
書生事業真堪笑
忍凍孤吟筆退尖

九陌淒風戰齒牙
銀杯逐馬帶隨車
也知不作堅牢玉
無奈能開頃刻花
得酒強歡愁底事
閉門高臥定誰家
亭前日暖君須愛
冰下寒魚漸可叉

遊廬山次韻章傳道

塵容已似服轅駒野性猶同縱壑魚出入巖巒千仞表較量筋
力十年初雖無窈窕驅前馬還有鷗夷挂後車莫笑吟詩淡生
活當令阿買爲君書

和子由四首

韓太祝送遊太山

偶作郊原十日遊未應回首厭籠囚但教塵土驅馳足終把雲
山爛漫酬聞道逢春思濯錦便須到處覓菟裘恨君不上東封
頂夜看金輪出九幽

送春

夢裏青春可得追。欲將詩句絆餘暉。酒闌病客惟思睡，蜜熟黃蜂亦嬾飛。芍藥櫻桃俱掃地，公自注：病過此二物，蠶絲禪榻。雨忘機。憑君借取法界觀，一洗人間萬事非。公自注：來書云：近看此書，余未嘗見也。

首夏官舍卽事

安石榴花開最遲。絳囊深樹出幽菲。吾廬想見無限好，客子倦遊胡不歸。坐上一樽雖得滿，古來四事巧相違。令人卻憶湖邊寺，垂柳陰陰晝掩扉。

送李供備席上和李詩

家聲赫奕蓋并涼。也解微吟錦瑟旁。擘水取魚湖起浪，引杯看劍坐生光。風流別後人人憶，才器歸來種種長。不用更貪窮事

業風騷分付與沈湘

孔長源挽詩二首

少年才氣冠當時。晚節孤風益自奇。君勝宜爲夫子後。林宗不
愧蔡邕碑。南荒尙記誅元惡。東越誰能事細兒。耆舊如今幾人
在。爲君無憾爲時悲。

小堰門頭柳繫船。吳山堂上月侵筵。潮聲半夜千巖響。詩句明
朝萬口傳。豈意日斜庚子後。忽驚歲在己辰年。佳城一閉無窮
事。南望題詩淚灑牋。

寄呂穆仲寺丞

孤山寺下水侵門。每到先看醉墨痕。楚相未亡談笑是。中郎不

見典刑存

公自注杭有伶人善學呂舉措酷似別後常令作之以爲笑

君先去踏塵埃陌我

亦來尋桑棗村回首西湖真一夢灰心霜鬢更休論

余主簿母挽詩

閨庭蘭玉照鄉閭自昔雖貧樂有餘豈獨家人在中饋卻因麟趾識關雎雲駟忽已歸仙府喬木依然擁舊廬忍把還鄉千斛淚一時灑向老萊裾

張文裕挽詞

高才本出朝廷右能事空推德業餘每見便聞曹植句至今傳寶魏華書濟南名士新凋喪劒外生祠已潔除欲寄西風兩行淚依然喬木鄭公廬

和梅戶曹會獵鐵溝

山西從古說三明誰信儒冠也捍城竿上鯨鯢猶未掩公自注近梟數
盜草中狐兔不須驚東州趙叟飲無敵南國梅仙詩有聲不向
如舉閑射雉歸來何以得卿卿

祭常山回小獵

青蓋前頭點阜旗黃茅岡下出長圍弄風驕馬跑空立趁兔蒼
鷹掠地飛回望白雲生翠巘歸來紅葉滿征衣聖明若用西涼
簿白羽猶能效一揮

和章七出守湖州二首

方丈仙人出渺茫高情猶愛水雲鄉功名誰使連三捷身世何

緣得兩忘早歲歸休心共在他年相見話偏長祇應未報君恩
重清夢時時到玉堂

絳闕雲臺總有名應須極貴又長生鼎中龍虎黃金賤松下龜

蛇綠骨輕

公自注君好爐火而餌茯苓

霽水未渾纓可濯弁峯初見眼應明

兩卮春酒真堪羨獨占人間分外榮

寄題刁景純藏春塢

白首歸來種萬松待看千尺舞霜風年拋造物陶甄外春在先
生杖屨中楊柳長齊低戶暗櫻桃爛熟滴階紅何時卻與徐元
直共訪襄陽龐德公

玉盤盂二首

並敘

東武舊俗每歲四月大會于南禪資福兩寺以芍藥供
佛而今歲最盛凡七千餘朵皆重跗累萼繁麗豐碩中
有白花正圓如覆盂其下十餘葉稍大承之如槃姿格
絕異獨出於七千朵之上云得之於城北蘇氏園中周
宰相莒公之別業也而其名俚甚乃爲易之

雜花狼籍占春餘芍藥開時掃地無兩寺妝成寶璫一枝爭
看玉盤盂佳名會作新翻曲絕品難尋舊畫圖從此定知年穀
熟姑山親見雪肌膚

花不能言意可知令君痛飲更無疑但持白酒勸嘉客直待瓊
舟覆玉彝負郭相君初擇地看羊屬國首吟詩吾家豈與花相

厚更問殘芳有幾枝

聞喬太博換左藏知欽州以詩招飲

今年果起故將軍幽夢清詩信有神
馬革裹屍真細事虎頭食肉更何人
陣雲冷壓黃茅瘴羽扇斜揮白葛巾
痛飲從今有幾日西軒月色夜來新

喬將行烹鷺鹿出刀劔以飲客以詩戲之

破匣哀鳴出素虬倦看鵬鵬聽呦呦
明朝祇恐兼烹鶴此去還須卻佩牛
便可先呼報恩子不妨仍帶醉鄉侯
他年萬騎歸應好奈有移文在故邱

次韻劉貢父李公擇見寄二首

白髮相望兩故人眼看時事幾番新曲無和者應思郢論少卑

之且

借秦

歲惡

詩人

無好語

公自注公釋來詩皆

道吳中微苦之事

夜長

鰥守向

誰親

公自注貢

父近喪妻

少思多睡

無如我鼻

息雷鳴撼四鄰

何人

勸我

此閒來

絃管生衣

甌有埃綠

蟻濡唇無

百斛蝗蟲撲

面已

三回磨刀

入谷追窮

寇灑涕循

城拾棄孩

爲郡鮮歡

君莫

歎猶勝塵土走章臺

寄黎眉州

膠西

高處望

西川

應在孤雲

落照邊

瓦屋寒堆

春後雪

峨眉翠

掃雨餘天

治經方笑

春秋學好

士今無六一

賢

公自注君以春

秋受知歐陽文

六一居士

且待淵明

賦歸去共

將詩酒趁

流年

同年王中甫挽詞

先帝親收十五人

公自注仁宗朝賢良十五人今惟富鄭公張宣徽錢純老及余與舍弟在耳

四方

爭看擊鵬鷃如君事業真堪用顧我衰遲不足論出處升沈十年後死生契闊幾人存他時京口尋遺跡宿草猶應有淚痕

次韻周邠寄鴈蕩山圖二首

指點先憑採藥翁丹青化出大槐宮眼明小閣浮煙翠齒冷新

詩嚼雪風二華行觀雄陝右九仙今已壓京東

公自注將赴河中密邇太華九

仙在東武奇秀不減鴈蕩也此生的有尋山分已覺溫台落手中

西湖三載與君同馬入塵埃鶴入籠東海獨來看出日石橋先

去踏長虹遙知別後添華髮時向樽前說病翁所恨蜀山君未

見他年攜手醉邨筒

蘇潛聖挽詞

妙齡馳譽百夫雄。晚節忘懷大隱中。惆悵無華真漢吏。文章爾雅稱吾宗。趨時肯負平生志。有子還應不死同。惟我閑思十年事。數行老淚寄西風。

和龍同年九日見寄

仰看鸞鵠刺天飛。富貴功名老不思。病馬已無千里志。騷人長負一秋悲。古來重九皆如此。別後西湖付與誰。遣子窮愁天有意。吳中山水要清詩。

送喬施州

恨無負郭田二頃空有載行書五車江上青山橫絕壁雲間細
路躡飛蛇雞號黑暗通蠻貨蜂鬧黃連採蜜花共怪河南門下
客不應萬里向長沙

公自注喬受知於吳丞相而施州風土大類長沙

雪夜獨宿柏仙菴

晚雨纖纖變玉霰小菴高臥有餘清夢驚忽有穿窗片夜靜惟
聞瀉竹聲稍壓冬溫聊得健未濡秋旱若爲耕天公用意真難
會又作春風爛漫

一作晴

董儲郎中嘗知眉州與先人遊過安邱訪其故居見其子

希甫畱詩屋壁

白髮郎潛舊使君至今人道最能文隻雞敢忘橋公語下馬來

尋董相墳冬月負薪雖那

一作

得免隣人吹笛不堪聞死生契闊

君休問灑淚西南向白雲

劉賁父見余歌詞數首以詩見戲聊次其韻

十載飄

一作漂

然未可期那堪重作看花詩門前惡語誰傳去醉

後狂歌自不知刺舌君今猶未戒灸眉吾亦更何辭相從痛飲

無餘事正是春容最好時

至濟南李公擇以詩相迎次其韻二首

敝裘羸馬古河濱野闊天低糝玉塵自笑餐瓊典屬國來看換

酒謫仙人宦遊到處身如寄農事何時手自親剩作新詩與君

和莫因風雨廢鳴晨

八家詩少

卷之二十一

七律

三

夜擁笙歌雪水濱。回頭樂事總成塵。今年送汝作太守到處逢
君是主人聚散細思都是夢身名漸覺兩非親相從繼燭何須
問蝙蝠飛時日正晨

和孔君亮郎中見贈

偶對先生盡一樽。醉看萬物洵崩奔。優遊共我聊卒歲。骯髒如
君合倚門。祇恐掉頭難久住。應須傾蓋便深論。固知巖勝風流
在。又見長身十世孫。

亮四十八世矣

次韻子由送蔣夔赴代州學官

功利爭先變法初。典刑獨守老成餘。窮人未信詩能爾。倚市懸

知繡不如代北諸生漸狂簡牀頭雜說爲爬梳歸來問鴈吾何
敢疾世王符解著書

宿州次韻劉涇

我欲歸休瑟漸希舞雩何日著春衣多情白髮三千丈無用蒼
皮四十圍晚覺文章真小伎早知富貴有危機爲君垂涕君知
否千古華亭鶴自飛公自注涇之見
汴亦有文死矣

次韻李邦直感舊

騶騎傳呼出跨坊簿書填委入充堂誰教按部如何武只許清
樽對孟光婉婉有時來入夢溫柔何日聽還鄉酸寒病守尤堪
笑千步空餘僕射場

次韻答邦直子由四首

按此詩施注本四首半查注本五首此從施本鈔四首

簿書顛倒夢魂閒。知我疏慵肯見原。
閑作閉門僧舍冷。病聞吹枕海濤喧。
忘懷杯酒逢人共。引睡文書信手翻。
欲吐狂言喙三尺。怕君瞋我卻須吞。
公自注邦直以此見戒

城南短李好交遊。箕踞狂歌總自由。
尊主庇民君有道。樂天知

命我無憂。醉呼妙舞。畱連夜。
公自注邦直家閑作清詩斷送秋

蕭灑使君殊不俗。樽前容我攬鬚不。

老弟東來殊寂寞。故人畱飲慰酸寒。
草荒城角開新徑。雨入河

洪失舊灘。車馬追陪迹未埽。唱酬往復字應漫。
此詩更欲憑君

改待與江南子布看。

君雖爲我此遲留別後淒涼我已憂不見便同千里遠
歸終作十年遊恨無揚子一區宅嬾臥元龍百尺樓
聞道鵷鴻滿臺閣網羅應不到沙鷗

次韻呂梁仲屯田

雨葉風花日夜稀一杯相屬竟何時空虛豈敢酬瓊玉
枯朽猶能出菌芝門外呂梁從迅急胸中雲夢自逶遲
待君筆力追靈運莫負南臺九日期

王鞏累約重九見訪既而不至以詩送將官梁交且見寄
次韻答之交頗文雅不類武人家有侍者甚惠麗

知君月下見傾城破恨懸知酒有兵老守亡何惟日飲
將軍競

病自詩鳴花枝不共秋欹帽筆陣空來夜斫營愛惜微官將底用他年祇好寫銘旌

臺頭寺雨中送李邦直赴史館分韻得憶字人字兼寄孫巨源二首

霜林日夜西風急老送君歸百憂集清歌窈眇入行雲雲爲不行天爲泣紅葉黃花秋正亂白魚紫蟹君須憶憑君說向髯將軍衰鬢相逢應不識

珥筆西歸近紫宸太平典冊不緣麟付君此事甯論晉載我當時舊過秦門外想無千斛米墓中知有百年人看君兩雙一作雙眼明如鏡休把春秋坐素臣

九日邀仲屯田爲大水所隔以詩見寄次其韻

無復龍山對孟嘉西來河伯意雄夸霜風可使吹黃帽

公自注舟人黃

帽土勝水也

樽酒那能泛浪花漫遣鯉魚傳尺素卻將燕石報瓊華

何時得見悲秋老醉裏題詩字半斜

有言郡東北荆山下可以溝畎積水因與吳正字王戶曹

同往相視以地多亂石不果還遊聖女山山有石室如

墓而無棺槨或云宋司馬桓魋墓二子有詩次其韻二

首

側手區區未易遮奔流一瞬卷千家共疑智伯初圍趙猶有張

湯欲漕斜已坐迂疏來此地分將勞苦送生涯使君下策真堪

笑隱隱驚雷響踏車

茫茫清泗繞孤岑歸路相將得暫臨試著芒鞋穿犖确更然松
炬照幽深縱令司馬能鑿石奈會一作有中郎解摸金強寫蒼崖
畱歲月他年誰識此時心

送鄭戶曹

遊遍錢塘湖上山歸來文字帶芳鮮羸僮瘦馬從吾飲陋巷何
人似子賢公業有田常乏食廣文好客竟無羶東歸不趁花時
節開盡春風誰與妍

坐上賦戴花得天字

清明初過酒闌珊折得奇葩晚更妍春色豈關吾輩事老狂聊

作坐中先醉吟不耐
欵紗帽起舞從教落
酒船結習漸消閑不
住卻須還與散花天

夜飲次韻畢推官

簿書叢裏過春風
酒聖時時且復中
紅燭照庭嘶驪裏黃雞催
曉唱玲瓏老來漸減金釵興
醉後空驚玉筍工
公自注月未上畢善篆
時應蚤散免教壑谷問吾公

和孫莘老次韻

去國光陰暮雪消
還家蹤跡野雲飄
功名正自妨行樂
迎送纔堪博
早朝雖去友朋親
吏卒卻辭讒謗得風謠
今年我亦江南去
不問繁雄與寂寥

遊張山人園

壁閒一軸煙蘿子。盆裏千枝錦被堆。慣與先生爲酒伴。不嫌刺
史亦顏開。纖纖入麥黃。花亂颯颯催。詩白雨來聞。道君家好井
水歸軒。乞得滿瓶回。

杜介熙堂

崎嶇世路最先回。窈窕華堂手自開。咄咄何曾書怪事。熙熙長
覺似春臺。白砂碧玉味方永。黃紙紅旗心已灰。遙想閉門投轄
飲。鵠絃鐵撥響如雷。

答仲屯田次韻

秋來不見漢陂岑。千里詩盟忽重尋。大木百圍生遠籟。朱絃三

歎有遺音清風卷地收殘暑素月流天掃積陰欲遣何人麋絕
唱滿階桐葉候蟲吟

次韻王定國馬上見寄

昨夜霜風入袂衣曉來病骨更支離疏狂似我人誰顧坎坷憐
君志未移但恨不攜桃葉女尙能來趁菊花時南臺二謝人無
繼直恐君詩勝義熙

公自注二謝從宋武帝九日燕戲馬臺

次韻答頓起二首

挽袖推腰踏破紉舊聞攜手上天門相逢應覺聲容似欲話先
驚歲月奔新學已皆從許子諸生猶自畏何蕃殿廬直宿真如
夢猶記憂時策萬言

公自注頓君及第時余爲殿試編排官見其答策語頗直其後與子由試舉人西京

既罷回登嵩山絕頂嘗見其
唱酬詩十餘首頓詩中及之

十二東秦比漢京去年古寺共題名
公自注去歲見之於青州早衰怪我遽
如許苦學憐君太瘦生茆屋擬歸田二頃金丹終掃雪千莖何
人更似蘇司業和遍新詩滿洛城

九日次韻王鞏

我醉欲眠君罷休已教從事到青州鬢霜饒我三千丈詩律輸
君一百籌聞道郎君閉東閣且容老子上南樓相逢不用忙歸
去明日黃花蝶也愁

次韻王鞏顏復同泛舟

沈郎清瘦不勝衣邊老便便帶十圍躑躅身輕山上走謹呼船

重醉中歸舞腰似雪金釵落談辯如雲玉塵揮憶在錢塘正如
此回頭四十二年非

次韻張十七九日贈子由

干戈萬槩擁篲籬九日清樽豈復持官事無窮何日了菊花有
信不吾欺逍遙瓊館真堪羨取次塵纓未可縻迨此暇時須痛
飲他年長劒挂君頤

與舒教授張山人參寥師同遊戲馬臺書西軒壁兼簡顏
長道二首

古寺長廊院院行此軒偏慰旅人情楚山西斷如迎客汴水南
來故遶城路失玉鉤芳草合林亡白鶴古泉清淡遊何以娛庠

老坐聽郊原琢磬聲

竹杖芒屨取次行
下臨官道見人情
天寒菽粟猶栖畝
日暮牛羊自入城
沽酒獨教陶令醉
題詩誰似皎公清
更尋陋巷顏夫子
乞取微言繼此聲

次韻王庭老和張十七九日見寄

霜葉投空雀啁籬
上樓筋力強扶持
對花把酒未甘老
膏面染鬢聊自欺
無事亦知君好飲
多才終恐世相縻
請看平日銜杯口
會有金椎爲控頤

與參寥師行園中得黃耳蕈

遁化何時取眾香
法筵齋鉢久淒涼
寒蔬病甲誰能採
落葉作

空畦半已荒老樗忽生黃耳菌故人兼致白芽薑蕭然放箸

東南去又入春山衙歆鄉

東南去者公此時將離徐州改官湖州也

十月十五日觀月黃樓席上次韻

中秋天氣未應殊不用紅紗照坐隅山下白雲橫匹素水中明月臥浮圖未成短棹還三峽已約輕舟泛五湖爲問登臨好風景明年還憶使君無

答王定民

開緘奕奕滿銀鉤書尾題詩語更邁八法舊聞宗長史五言今復擬蘇州筆蹤好在畱臺寺旗隊遙知到石溝欲寄鼠須竝繭紙請君章草賦黃樓

次韻王廷老退居見寄二首

浪藥浮花不辨春歸來方識歲寒人回頭自笑風波地閉眼聊
觀夢幻身北牖已安陶令榻西風還避庾公塵更搔短髮東南
望試問今誰裹舊巾

接果移花看補籬腰鎌手斧不妨持上都新事長先到老圃閑
談未易欺釀酒閉門開社甕殺牛畱客解耕縻何時得見纖纖
玉右手持杯左捧頤

次韻顏長道送傅倅

兩次黃花埽落英南山山寺遍題名宗成不獨依岑范魯衛終
當似弟兄去歲雲濤浮汴泗與君泥土滿衣纓如今別酒休辭

醉試聽雙洪落後聲

臺頭寺步月得人字

風吹河漢埽微雲
步履中庭月趁人
浥浥爐香初泛夜
離離花影欲搖春
遙知金闕同清景
想見羶車碾暗塵
回首舊遊真是夢
一簪華髮岸綸巾

臺頭寺送宋希元

相從傾蓋祇今年
送別南臺便黯然
入夜更歌金縷曲
他時莫忘角弓篇
公自注是日與宋君同裁松寺中
三年不顧東鄰女
公自注取宋玉
二頃方求負郭田
公自注取季子
我欲歸休君未可
茂先方議斲龍泉
以上皆徐州詩

次韻曹九章見贈

遠瑗知非我所師。流年已似手中薺。正平獨肯從文舉。中散何曾靳孝尼。賣劍買牛真欲老。得錢沽酒更無疑。雞豚異日爲同社。應有千篇唱和詩。

余去金山五年而復至次舊詩韻贈寶覺長老

誰能斗酒博西涼。但愛齋廚法鼓香。舊事真成一夢過。高譚爲洗五年忙。清風偶與山阿曲。明月聊隨屋角方。稽首願師憐久客。直將歸路指茫茫。

贈惠山僧惠表

行遍天涯意未闌。將心到處遣人安。山中老宿依然在。案上楞嚴已不看。欹枕落花餘幾片。閉門新竹自千竿。客來茶罷空無

有盧橘楊梅尙帶酸

與秦太虛參寥會於松江而關彥長徐安中適至分韻得

風字二首

吳越溪山興未窮。又扶衰病過垂虹。浮天自古東南水。送客今朝西北風。絕境自忘千里遠。勝遊難復五人同。舟師不會留連意。擬看斜陽萬頃紅。

二子緣詩老更窮。人間無處吐長虹。平生睡足連江雨。盡日舟橫擘岸風。人笑年來三黜慣。天教我輩一樽同。知君欲寫長相憶。更送銀盤尾鬣紅。

次韻孫祕丞見贈

感慨清哀似變風老於詩句耳偏聰迂疏自笑成何事冷淡誰
能用許功不怕飛蚊如立豹肯隨白鳥過垂虹吟哦相對忘三
伏擬泛冰谿入雪宮

公自注湖州多蚊蚋豹
脚尤毒垂虹吳江亭名

僕去杭五年吳中仍歲大饑疫故人往往逝去聞湖上僧
舍不復往日繁麗獨淨慈本長老學者益盛作詩寄之
來往三吳一夢間故人半作冢纍然獨依舊社傳眞法要與遺
民度厄年趙叟近聞還印綬竺翁先已反林泉何時策杖相隨
去任性逍遙不學禪

舶趠風

並序

吳中梅雨旣過颯然清風彌旬歲歲如此湖人謂之舶

趕風是時海舶初回云此風自海上與舶俱至云爾
三旬已過黃梅雨萬里初來舶趕風幾處縈回度山出一時清
駛滿江東驚飄軟軟先秋葉喚醒昏昏嗜睡翁欲作蘭臺快哉
賦卻嫌分別問雌雄

丁公默送蝓蟀

溪邊石蟹小如錢喜見輪囷赤玉盤半殼含黃宜點酒兩螯斫
雪勸加餐蠻珍海錯聞名久怪雨腥風入坐寒堪笑吳興饒太
守一詩換得兩尖團

泛舟城南會者五人分韻賦詩得人皆苦炎字四首

城中樓閣似魚鱗不見清風起白蘋試選蒼谿最深處仍呼我

輩不羈人窺船野鶴何曾下見燭飛蟲空自馴遠郭荷花一千頃誰知六月下塘春

苦熱誠知處處皆何當危坐學心齋海螯要共詩人把谿月行遭霧雨羶鄉國飄零斷書信弟兄流落隔江淮便應築室荅谿上荷葉遮門水浸階

紫鱖鱸魚賤如土得錢相付何曾數碧筍時作象鼻鱸白酒微帶荷心苦運肘風生看斫鱸隨刀雪落驚飛縷不將醉語作新詩飽食應慚腹如鼓

橋上遊人夜未厭共依水檻立風檐樓中煮酒初嘗芡月夜新妝半出簾南郭清遊繼顏謝北窗歸臥等羲炎人間寒熱無窮

事自笑疏頑不受玷

送表忠觀錢道士歸杭

並引

通教自杭來見余於吳興問觀亦卒工乎曰未也杭人
比歲不登莫有助我者余曰異哉杭人重施輕財是不
獨爲福田今歲成矣其行乎及還作詩送之

先王舊德在民心著令稱忠上意深墮淚行看會祠下挂名爭
欲刻碑陰淒涼破屋塵凝坐憔悴雲孫雪滿簪未信諸豪容郭
解卻從他縣施千金

次韻答孫侔

十年身不到朝廷欲伴騷人賦落英但得低頭拜東野不辭中

路伺淵明臧舟蒼雪人安在下築江淮計已成千里論交一言足與君蓋亦不須傾

重寄

施注陸務觀云孫少述一字正之與荆公交最厚故人又云子今去此來何時後有不可誰予規其相予如此及荆公當國數年不復相聞人謂二公之交遂睽故

公詩云云劉貢父亦有詩曰不負興公遂初賦更傳中散絕交書

凜然高節照時人不信微官解浼君藉濟謂能來阮籍辭宣真

欲吏朱雲好詩衝口誰能擇俗子疑人未遣聞乞取千篇看俊

逸不將輕比鮑參軍

自此以上皆杭州密州徐州穎州之詩

陳州與文郎逸民飲別攜手河隄上作此詩

自此以下出

詩之

白酒無聲滑瀉油醉行隄上散吾愁春風料峭羊角轉河水渺
綿瓜蔓流君已思歸夢巴峽我能未到說黃州此生聚散何窮
已未忍悲歌學楚囚

萬松亭

並引

麻城縣令張毅植萬松於道周以芘行者且以名其亭
去未十年而松之存者十不及三四傷來者之不嗣其
意也故作是詩

十年栽種百年規好德無人助我儀

公自注古語云一年之計樹之以穀十年之計樹之以木

計樹之以德縣令若同倉庾氏亭松應長子孫枝天公不救斧
斤厄野火解憐冰雪姿爲問幾株能合抱殷勤記取角弓詩

張先生

荊序

先生不知其名黃州故縣人本姓盧爲張氏所養陽狂垢污寒暑不能侵常獨行市中夜或不知其所止往來者欲見之多不能致余試使人召之欣然而來既至立而不言與之言不應使之坐不可但俯仰熟視傳舍堂中久之而去夫孰非傳舍者是中竟何有乎然余以有思惟心追躡其意蓋未得也

熟視空堂竟不言故應知我未天全肯來傳舍人皆悅能致先生子亦賢脫屣不妨眠糞屋流澌爭看浴冰川士廉豈識桃椎妙妄意稱量未必然

初到黃州

自笑平生爲口忙。老來事業轉荒唐。
長江繞郭知魚美。好竹連山覺筍香。
逐客不妨員外置。詩人例作水曹郎。
祇慙無補絲毫事。尚費官家壓酒囊。

公自注。檢校官例。折支多。得退酒袋。

今年正月十四日與子由別於陳州。五月子由復至齊安。以詩迎之。

驚塵急雪滿貂裘。淚灑東風別宛邱。
又向邯鄲枕中見。卻來雲夢澤南州。
睽離動作三年計。牽挽當爲十日留。
早晚青山映黃髮。相看萬事一時休。

次韻答子由

平生弱羽寄衝風此去歸飛識所從
好語似珠穿一一妄心如
膜退重重山僧有味甯知子
瀧吏無言祇笑儂尙有讀書清淨
業未容春睡敵千鍾

觀張師正所蓄辰砂

將軍結髮戰蠻溪篋有殊珍勝象犀
漫說玉牀收一作箭鏃何
曾金鼎識刀圭近聞猛士收丹穴
欲助君王鑄夷蹠多少空巖
人不見自隨初日吐虹蜺

正月廿日往岐亭郡人潘古郭三人送余於女王城東禪
莊院

十日春寒不出門不知江柳已搖村
稍聞泱泱流冰谷盡放青

青沒燒痕敗。歛荒園。留我住。半瓶濁酒待君溫。去年今日關山路。細雨梅花正斷魂。

與潘三失解後飲酒

千金敝帚人誰買。半額蛾眉世所妍。顧我自爲都。眊噪憐君欲鬪小。嬋娟青雲豈易量。他日黃菊猶應似去年。醉裏未知誰得喪。滿江風月不論錢。

姪安節遠來夜坐三首

南來不覺歲崢嶸。坐撥寒灰聽雨聲。遮眼文書元不讀。伴人燈火亦多情。嗟予潦倒無歸日。今汝蹉跎已半生。免使韓公悲世事。白頭還對短燈檠。

心衰面改瘦崢嶸相見惟應識舊聲永夜思家在何處殘年知
汝遠來情畏人默坐成癡鈍問舊驚呼半死生夢斷酒醒山雨
絕笑看飢鼠上燈檠

落第汝爲中酒味吟詩我作忍飢聲便思絕粒真無策苦說歸
田似不情腰下牛閑方解佩洲中奴長足爲生大詔一弛何緣
穀已覺翻翻不受檠

樂全先生生日以鐵拄杖爲壽二首

先生真是地行仙住世因循五百年每向銅人話疇昔故教鐵
杖鬪清堅入懷冰雪生秋思倚壁蛟龍護晝眠遙想人天曾方
丈眾中驚倒野狐禪

二年相伴影隨身踏遍江湖草木春
擿石舊痕猶作眼閉門高節欲生鱗
畏塗自衛真無敵捷徑爭先卻累人
遠寄知公不嫌重筆端猶自幹干鈞

送牛尾狸與徐使君

公自注時大雪中

風卷飛花自入帷一樽遙想破愁眉
泥深厭聽雞頭鶻公自注蜀人謂泥滑滑爲雞頭鶻酒淺欣嘗牛尾狸
通印子魚猶帶骨披綿黃雀漫多脂
殷勤送去煩纖手爲我磨刀削玉肌

太守徐君猷通守孟亨之皆不飲酒以詩戲之

孟嘉嗜酒桓溫笑徐邈狂言孟德疑公獨
未知其趣爾臣今時復下中之風流自有
高人識通介甯隨薄俗移二子有靈應撫

掌吾孫還有獨醒時

雪後到乾明寺遂宿

門外山光馬亦驚
堦前屐齒我先行
風花誤入長春苑
雲月長臨不夜城
未許牛羊傷至潔
且看鴉鵲弄新晴
更須攜被畱僧榻
待聽摧檐瀉竹聲

三朵花

並引

房州通判許安世以書遺予言吾州有異人常戴三朵花
莫知其姓名郡人因以三朵花名之能作詩皆神仙
意又能自寫真人有得之者許欲以一本見惠乃爲作
此詩

學道無成鬢已華。不勞千劫漫烝砂。歸來且看一宿覺。未暇遠尋三朵花。兩手欲遮瓶裏雀。四條深怕井中蛇。畫圖要識先生面。試問房陵好事家。

正月二十日與潘郭二生出郊尋春。忽記去年是日同至女王城作詩。乃和前韻。

東風未肯入東門。走馬還尋去歲村。人似秋鴻來有信。事如春夢了無痕。江城白酒三杯釀。野老蒼顏一笑溫。已約年年爲此會。故人不用賦招魂。

是日偶至野人汪氏之居。有神降於其室。自稱天人李全。字德通。善篆字。用筆奇妙。而字不可識。云天篆也。與余

言有所會者復作一篇仍用前韻

酒渴思茶漫扣門那知竹裏是仙村已聞龜策通神語更看龍
蛇落筆痕色瘁形枯應笑屈道存目擊豈非溫歸來獨掃空齋
臥猶恐微言入夢

紅梅三首

怕愁貪睡獨開遲自恐冰容不入時故作小紅桃杏色尙餘孤
瘦雪霜姿寒心未肯隨春態酒疊無端上玉肌詩老不知梅格
在更看綠葉與青枝

公自注石曼卿紅梅詩云
認桃無綠葉辨杏有青枝

雪裏開花卻是遲何如獨占上春時也知造物含深意故與施
朱發妙姿細雨裊殘千顆淚輕寒瘦損一分肌不應便雜天桃

杏數

一作半

點微酸已著枝

幽人自恨探春遲不見檀心未吐時丹鼎奪胎那是寶

公自注朱砂紅

銀謂之不奪胎色

玉人頻頻更多姿抱叢暗藥初含子落蕊穠香已透

肌乞與徐熙新畫樣竹間璀璨出斜枝

和子由寄題孔平仲草菴

逢人欲覓安心法到處先爲問道菴盧子不須從若士蓋公當
自過曹參羨君美玉經三火笑我枯桑困八蠶猶喜大江同一
味故應千里共清甘

次韻答元素

并引○施注元素姓楊氏名給前有分贈元素桂花詩

余舊有贈元素詞云天涯同是傷流落元素以爲今日

之先兆且悲當時六客之存亡六客蓋張子野劉孝叔
陳令舉李公擇及元素與余也

不愁春盡絮隨風但喜丹砂入頰紅流落天涯先有識摩挲金
狄會當同蘧蘧未必都非夢了了方知不落空莫把存亡悲六
客已將地獄等天宮

謝陳季常惠一摺巾

夫子胸中萬斛寬此巾何事小團團半升僅漉淵明酒二寸纔
容子夏冠好戴黃金雙得勝休教一本作可憐白芒一生酸臂弓腰
箭何時去直上陰山取可汗

贈黃山人

面頰照人元自赤
眉毛覆眼見來烏
倦游不擬談玄牝
示病何妨出白鬢
絕學已生眞定慧
說禪長笑老浮屠
東坡若肯三年住
親與先生看藥爐

六年正月二十日復出東門仍用前韻

亂山環合水侵門
身在淮南盡處村
五畝漸成終老計
九重新埽舊巢痕
豈惟見慣沙鷗熟
已覺來多釣石溫
長與東風約今日
暗香先返玉梅魂

食甘

一雙羅帕未分珍
林下先嘗愧逐臣
露葉霜枝翦寒碧
金槃玉指破芳辛
清泉蔌蔌先流齒
香霧霏霏欲噀人
坐客殷勤爲收

子干奴一掬奈吾貧

二月三日點燈會客

江上東風浪接天。苦寒無賴破春妍。試開雲夢羔兒酒，快瀉錢塘藥玉船。蠶市光陰非故國，馬行燈火記當年。冷煙溼雪梅花在，畱得新春作上元。

次韻子由種杉竹

吏散庭空雀噪檐。閉門獨宿夜厭厭。似聞梨棗同時種，應與杉篁刻日添。糟麴有神熏不醉，雪霜誇健巧相沾。先生坐待清陰滿，空使人人歎滯淹。

徐君猷挽詞

一舸南遊遂不歸。清江赤壁照人悲。請看行路無從涕，盡是當年不忍欺。雪後獨來栽柳處，竹間行復採茶時。山成散盡樽前客，舊恨新愁只自知。

別黃州

病瘡老馬不任鞍，猶向君王得敝幘。一作帷桑下豈無三宿戀，樽前聊與一身歸。長腰尙載撐腸米，闊領先裁蓋瘿衣。投老江湖終不失，來時莫遣故人非。

圓通禪院先君舊遊也。四月二十日晚至宿焉。明日忌日也。乃手寫寶積獻蓋頌佛一偈以贈長老僊公僊撫掌笑曰：「昨夜夢寶蓋飛下著處，輒出火。豈此祥乎？」乃作是

詩院有蜀僧宣逮事訥長老識先君云

石耳峯頭路接天梵音堂下月臨泉此生初飲廬山水他日徒
參雪竇禪袖裏寶書猶未出夢中飛蓋已先傳何人更識嵇中
散野鶴昂藏未是仙

次韻道潛留別

參寥從先生於黃期年先生移
汝同遊廬山乃還於潛山中

爲聞廬岳多真隱故就高人斷宿攀已喜禪心無別話尙嫌剗
髮有詩斑異同更莫疑三語物我終當付八還到後與君開北
戶舉頭三十六青山

次韻葉致遠見贈

欲求五畝寄樵蘇所至遲留似賈胡信命不須歌去汝逢人未

免歎猶吾人皆勸我杯中物我獨憐君屋上烏一伎文章何足

道要言

一作知

摩詰是文殊

次韻杭人裴維甫

餘杭門外葉飛秋尚記居人挽去舟一別臨平山上塔五年雲
夢澤南州淒涼楚些緣吾發邂逅秦淮爲子畱寄謝西湖舊風
月故應時許夢中游

次韻段縫見贈

季子東周負郭田須知力穡是家傳細思種薤五十本大勝取
禾三百廛若得與君連北巷故應終老忘西川短衣匹馬非吾
事只擬關門不問天

次韻滕元發許仲途秦少游

二公詩格老彌新醉後狂吟許野人坐看青邱吞澤芥自慚黃
潦薦谿蘋兩邦旌纛光相照十畝鋤犁手自親何似秦郎妙天
下明年獻頌請東巡

次韻蔣穎叔

蔣穎叔名之奇宜興人

月明驚鵲未安枝一棹飄然影自隨江上秋風無限浪枕中春
夢不多時瓊林花草聞前語罨畫谿山指後期公自注蔣詩記
宴坐中所言且及第時瓊林苑
約同卜居陽羨豈敢便爲雞黍約玉堂金殿要論思

王仲父哀辭

並引

仁宗朝以制策登科者十五人賦忝冒時尚有富彥國

張安道錢子飛吳長文夏公酉陳令舉錢醕老王中父
并軾與家弟轍九人存焉其後十有五年哭中父於密
州作詩弔之則子飛長文令舉歿矣又八年軾自黃州
量移汝海與中父之子沈之相遇於京口相持而泣則
十五人者獨三人存耳蓋安道及軾與家弟而已嗚呼
悲夫乃復次前韻以遺沈之時沈之亦以臯謫家於錢
塘云

生芻不獨比前人東蘂端能廢謝鯤子達想無身後念吾衰不
復夢中論已知殺豹爲均死未識荆凡定孰存堪笑東坡癡鈍
老區區猶記刻舟痕

十八家詩鈔卷二十一

善化黃維申襄校